

MALAYSIA
DEWAN RAKYAT
ATURAN URUSAN MESYUARAT

NASKHAH SAHIH/BAHASA MALAYSIA

<http://www.parlimen.gov.my>

HARI KHAMIS, 27 NOVEMBER 2014, PUKUL 10.00 PAGI

Bil. 56

PERTANYAAN-PERTANYAAN BAGI JAWAB LISAN

1. PR-1323-L63844
Datuk William @ Nyallau anak Badak [Lubok Antu] minta **MENTERI KESIHATAN** menyatakan sama ada sedar atau tidak mengenai keadaan mesin radioterapi di Hospital Umum Sarawak (HUS) sudah uzur dan telah mengeluarkan radiasi yang memberi kesan sampingan yang sangat dahsyat kepada para pesakit justeru mesin yang merbahaya tersebut harus diganti dengan segera.
2. PR-1323-L63742
Dato' Fauzi bin Abdul Rahman [Indera Mahkota] minta **MENTERI SUMBER MANUSIA** menyatakan kadar pengangguran negara dari tahun 2000 hingga kini dan langkah yang diambil Kementerian bagi membantu rakyat mencari pekerjaan. Nyatakan juga jumlah graduan yang menganggur bagi tempoh yang sama.
3. PR-1323-L64751
Datuk Hajah Norah binti Abd Rahman [Tanjong Manis] minta **MENTERI PEMBANGUNAN WANITA, KELUARGA DAN MASYARAKAT** menyatakan apakah langkah-langkah yang diambil oleh Kementerian untuk memastikan sasaran 55% penyertaan wanita dalam pasaran pekerjaan pada penghujung tahun 2015 dapat dicapai dan sejauh manakan pencapaian dasar sekurang-kurangnya 30% wanita di peringkat pembuat keputusan dalam sektor korporat telah dicapai sehingga kini.
4. PR-1323-L65035
Tuan Liew Chin Tong [Kluang] minta **MENTERI SUMBER ASLI DAN ALAM SEKITAR** menyatakan tahap pencemaran pelepasan bahan toksik dioxin, merkuri, furan, karbon dioksida dan air resap larut daripada insinerator Bukit Nenas, Pangkor, Langkawi, Tioman dan Cameron Highlands dari 2011-2014.

5. PR-1323-L64838
Tuan Anuar bin Abd. Manap [Sekijang] minta **MENTERI PERDAGANGAN ANTARABANGSA DAN INDUSTRI** menyatakan :-
 - (a) apakah pendirian Kerajaan berkaitan kesangsian golongan Bumiputera dengan kelebihan yang ada pada TPPA; dan
 - (b) apakah pendekatan yang telah diambil pihak Kerajaan khususnya MITI dalam menerangkan isu TPPA.
6. PR-1323-L64677
Tuan Wan Hasan bin Mohd Ramli [Dungun] minta **MENTERI KESIHATAN** menyatakan jaminan kemajuan pembangunan Hospital Dungun yang baharu dapat disiapkan sepenuhnya mengikut jadual.
7. PR-1323-L64145
Datuk Koh Nai Kwong [Alor Gajah] minta **MENTERI PENDIDIKAN** menyatakan langkah-langkah yang diambil oleh Kementerian untuk mengatasi masalah matrikulasi yang mempunyai permohonan tinggi daripada pelajar lepasan Sijil Peperiksaan Malaysia (SPM) serta nyatakan prosedur-prosedur matrikulasi untuk merekrut pelajar yang cemerlang ini.
8. PR-1323-L63606
Tuan Sim Tong Him [Kota Melaka] minta **MENTERI SUMBER ASLI DAN ALAM SEKITAR** menyatakan tentang projek tambak laut di Negeri Melaka:-
 - (a) jumlah keluasan projek tambak laut yang dipohon oleh kerajaan Negeri Melaka dan keluasan yang telah diluluskan; dan
 - (b) berapa kajian EIA dan kajian-kajian yang lain telah diadakan dan apakah kesan-kesan yang telah dikenal pasti.
9. PR-1323-L64126
Dato' Haji Abdul Rahman bin Haji Mohamad [Lipis] minta **MENTERI KEMAJUAN LUAR BANDAR DAN WILAYAH** menyatakan :-
 - (a) jumlah perbelanjaan yang telah dibelanjakan oleh Kementerian sama ada dalam aspek bantuan kewangan (seed money) dan khidmat pengurusan (maksimum RM 10, 000) bagi pelaksanaan projek-projek ekonomi luar bandar; dan
 - (b) sejauh manakah kejayaan Program Peningkatan Pendapatan (PPP) yang dijalankan oleh pihak Kementerian untuk meningkatkan pendapatan keluarga serta meningkatkan taraf hidup dan seterusnya mengeluarkan masyarakat daripada belenggu kemiskinan.
10. PR-1323-L64265
Tuan Abdullah Sani bin Abdul Hamid [Kuala Langat] minta **MENTERI SUMBER MANUSIA** menyatakan jumlah terkini pekerja asing yang berada dalam negara.

11. PR-1323-L63287
Dato' Seri Ong Ka Chuan [Tanjung Malim] minta **MENTERI PERDAGANGAN DALAM NEGERI, KOPERASI DAN KEPENGGUNAAN** menyatakan apakah rancangan yang akan diambil oleh Kerajaan untuk menjana pasaran domestik negara ini dalam peruncitan dan pemborongan sebagai satu pasaran yang dinamik yang dapat mewujudkan banyak peluang pekerjaan kepada rakyat di negara ini.
12. PR-1323-L63652
Dato' Kamarudin bin Jaffar [Tumpat] minta **MENTERI LUAR NEGERI** menyatakan apakah langkah-langkah yang akan diambil oleh Kementerian untuk mempertahankan hak negara kita di Kepulauan Spratly khususnya akibat daripada pengambilalihan dan dakwaan pembinaan Pengkalan Maritim di pulau tersebut oleh sebuah negara asing.
13. PR-1323-L63568
Datuk Noor Ehsanuddin bin Mohd Harun Narrashid [Kota Tinggi] minta **PERDANA MENTERI** menyatakan adakah Pelan Integrasi Nasional yang di perkenalkan oleh Kerajaan dalam memastikan perpaduan di kalangan rakyat benar-benar di hayati oleh semua kaum.
14. PR-1323-L64381
Puan Nurul Izzah binti Anwar [Lembah Pantai] minta **MENTERI PEMBANGUNAN WANITA, KELUARGA DAN MASYARAKAT** menyatakan status serta langkah-langkah dalam mencapai 30 peratus penglibatan wanita dalam kapasiti pembuat keputusan (sektor awam dan swasta) seperti dijanjikan pada tahun 2004 dan dirangkum dalam Rancangan Malaysia ke-6 (2006-2010).
15. PR-1323-L64142
Dato' Haji Irmohizam bin Haji Ibrahim [Kuala Selangor] minta **MENTERI PENDIDIKAN** menyatakan :-
 - (a) berapakah jumlah tempat yang ditawarkan kepada pelajar untuk mengikuti jurusan perubatan (Ijazah Pertama) ke IPTA bagi pengambilan tahun ini berbanding jumlah pelajar yang memohon ; dan
 - (b) apakah kriteria-kriteria pemilihan serta alternatif bagi pelajar yang tidak mendapat tempat dalam jurusan perubatan.
16. PR-1323-L63537
Dato' Dr. Nik Mazian bin Nik Mohamad [Pasir Puteh] minta **PERDANA MENTERI** menyatakan selaras dengan perlaksanaan indeks syariah yang akan digunakan menjelang tahun 2015, minta Kerajaan jelaskan sejauh mana kajian yang telah di buat (sekiranya ada) terhadap undang-undang jenayah sekarang berpandu kepada indeks syariah yang akan dilaksanakan nanti.

17. PR-1323-L64618
Dato' Shamsul Anuar bin Haji Nasarah [Lenggong] minta **MENTERI KEMAJUAN LUAR BANDAR DAN WILAYAH** menyatakan :-
- (a) pencapaian pembasmian kemiskinan Kementerian sehingga kini; dan
 - (b) bagaimanakah kedudukan rancangan Pembinaan Jalan Sambungan daripada Kg. Luat Lenggong Ke Intan Suraya Sungai Siput yang tertangguh sehingga kini.
18. PR-1323-L64587
Tan Sri Dato' Seri Abd Khalid bin Ibrahim [Bandar Tun Razak] minta **MENTERI KEWANGAN** menyatakan apakah jaminan yang diberi oleh Kerajaan bahawa kepentingan dan hak rakyat terpelihara dalam penggabungan mega RHB Capital, CIMB dan MBSB terutama pencarum KWSP di mana KWSP merupakan antara pemegang saham penting dalam ketiga-tiga kumpulan perbankan di samping butiran transaksi.
19. PR-1323-L65143
Dato' Ahmad Fauzi bin Zahari [Setiawangsa] minta **MENTERI PENDIDIKAN** menyatakan langkah Kementerian untuk menyeimbangkan kemasukan pelajar lelaki dengan pelajar perempuan di Institut Pengajian Tinggi Awam di masa akan datang. Apakah inisiatif Kerajaan untuk menggalakkan lebih ramai pelajar lelaki. Ini berikutan dari trend yang ditunjukkan hampir 70% penuntut IPTA adalah wanita pada kemasukan semester pertama tahun 2014.
20. PR-1323-L63401
Tuan Wong Tien Fatt @ Wong Nyuk Foh [Sandakan] minta **MENTERI TENAGA, TEKNOLOGI HIJAU DAN AIR** menyatakan pencapaian dan hasil program-program Renewable Energy (RE) yang telah dijalankan oleh Kerajaan sejak 2008 di Sabah dan di seluruh Malaysia. Memandangkan caj untuk Feed-in-Tariff (FiT) sebanyak 1.6 peratus telah dimulakan di Sabah sejak tahun ini, berapa pendapatan telah dikutip oleh kerajaan persekutuan.
21. PR-1323-L64019
Dato Sri Dr. Muhammad Leo Michael Toyad Abdullah [Mukah] minta **MENTERI KEMAJUAN LUAR BANDAR DAN WILAYAH** menyatakan berapa peruntukan disediakan untuk membangun Bekalan elektrik Luar Bandar di Sarawak dan adakah rancangan Kementerian untuk menggunakan bekalan dari minihydro yang dibina di Sarawak.
22. PR-1323-L63896
Tuan Hee Loy Sian [Petaling Jaya Selatan] minta **MENTERI DALAM NEGERI** menyatakan jumlah rakyat Malaysia yang terlibat dengan gerakan Islamic State in Iraq and Syria (ISIS) dan mengenal pasti mereka yang telah pergi atas nama organisasi tersebut.

23. PR-1323-L63491
Datuk Nur Jazlan bin Mohamed [Pulai] minta **MENTERI PENDIDIKAN** menyatakan usaha penubuhan Sekolah Wawasan yang pernah diperkenalkan Kementerian dan setakat mana kejayaan penubuhannya.
24. PR-1323-L64601
Tuan Wong Chen [Kelana Jaya] minta **MENTERI KEWANGAN** menyatakan :-
- (a) nama syarikat-syarikat konsultasi dan penasihat yang dilantik oleh Khazanah Nasional Bhd dalam usaha menstruktur semula Penerbangan Malaysia (MAS) ; dan
 - (b) jumlah bayaran dan jumlah yang telah dibayar kepada syarikat-syarikat tersebut.
25. PR-1323-L63442
Datuk Dr. Haji Abd. Latiff bin Haji Ahmad [Mersing] minta **PERDANA MENTERI** menyatakan Malaysia sebuah negara maritim yang kaya dengan sumber asli. Semenjak lima tahun yang lalu, berapakah jumlah kes rompakan terhadap pelantar minyak di perairan kita. Apakah langkah-langkah keselamatan yang dilakukan bagi melindungi pelantar minyak berkenaan.
26. PR-1323-L64793
Tuan Ahmad Marzuk bin Shaary [Bachok] minta **PERDANA MENTERI** menyatakan apakah alasan kuat Suruhanjaya Pilihan Raya (SPR) memilih hari Khamis 25 September 2014 sebagai tarikh pengundian Pilihan Raya Kecil N.01 Pengkalan Kubor, Kelantan. Adakah SPR menyedari pemilihan tarikh berkenaan menyukarkan pengundi-pengundi yang bermastautin di luar Kelantan untuk balik mengundi. Apakah ada cadangan berkesan oleh SPR dalam usaha memudahkan pengundi-pengundi yang berada jauh daripada pusat-pusat pengundian.
27. PR-1323-L63455
Datuk Jumat bin Idris [Sepanggar] minta **PERDANA MENTERI** menyatakan apakah perancangan Kementerian dalam mengatasi masalah perbuatan menghina kaum dan agama yang menular di dalam media sosial sejak kebelakangan ini.
28. PR-1323-L64804
Dr. Michael Teo Yu Keng [Miri] minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan :-
- (a) statistik terperinci senarai rumah yang sudah siap dibina dan sudah dimiliki di bawah Skim Rumah Pertamaku, Skim Mampu Milik dan Program Perumahan Rakyat sehingga tahun 2014; dan
 - (b) senarai projek PR1MA dan jumlah rumah yang sudah siap dibina sehingga 2014.

29. PR-1323-L63832
Tuan Haji Ahmad Nazlan bin Idris [Jerantut] minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan adakah Kementerian berhasrat untuk mengawal aktiviti perniagaan yang bersaiz kecil dan sederhana di kalangan peniaga bukan rakyat Malaysia yang semakin berleluasa.
30. PR-1323-L64816
Tuan Gobind Singh Deo [Puchong] minta **MENTERI KERJA RAYA** menyatakan apakah langkah yang telah diambil untuk mengatasi masalah kesesakan trafik di kawasan Parlimen Puchong khasnya di Taman Equine.
31. PR-1323-L64086
Dato' Seri Reezal Merican bin Naina Merican [Kepala Batas] minta **MENTERI KEWANGAN** menyatakan secara terperinci mengenai usaha penstrukturan semula MAS dan bagaimana ianya akan memastikan MAS akan berjaya mengharungi situasi yang sukar pada ketika ini.
32. PR-1323-L64657
Datuk Seri Noh bin Haji Omar [Tanjong Karang] minta **MENTERI PERDAGANGAN ANTARABANGSA DAN INDUSTRI** menyatakan berapakah jumlah projek tertangguh di Lembah Klang disebabkan masalah air dan adakah krisis air di Selangor memberi kesan kepada pelaburan. Jika ada bagaimanakah kesan yang dihadapi.
33. PR-1323-L63999
Datuk Zahidi bin Zainul Abidin [Padang Besar] minta **MENTERI SUMBER MANUSIA** menyatakan :-
- (a) kes-kes kesalahan kakitangan dan juga penjawat Kesatuan Sekerja yang telah dibawa ke Jabatan Perhubungan Perusahaan; dan
 - (b) apakah pembelaan Kerajaan terhadap kakitangan dan juga penjawat jawatan dalam Kesatuan Sekerja seperti di KTMB apabila isu yang ditimbulkan oleh mereka adalah jelas kerana kelemahan agensi tersebut.
34. PR-1323-L65342
Tan Sri Datuk Seri Panglima Annuar bin Musa [Ketereh] minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan jenis dan jumlah bantuan yang diberikan kepada penguasa-penguasa tempatan di negeri Kelantan dan apakah cadangan bantuan untuk Majlis Daerah Ketereh tahun 2015.
35. PR-1323-L63684
Dato' Abdul Manan bin Ismail [Paya Besar] minta **PERDANA MENTERI** menyatakan usaha Suruhanjaya Pencegahan Rasuah Malaysia (SPRM) yang mengambil lebih ramai golongan profesional sebagai kakitangannya bagi memperkasakan usaha membanteras jenayah rasuah.

36. PR-1323-L65078
Dr. Mohd Hatta bin Md. Ramli [Kuala Krai] minta **PERDANA MENTERI** menyatakan sama ada pemaju hartanah tempatan khususnya di Johor mampu bersaing dengan pemaju hartanah daripada negara China yang hanya melabur di Wilayah Iskandar.
37. PR-1323-L64077
Dr. Che Rosli bin Che Mat [Hulu Langat] minta **MENTERI TENAGA, TEKNOLOGI HIJAU DAN AIR** menyatakan jumlah import dan eksport tenaga elektrik dari dan ke negara jiran melalui interconnection yang ada sepanjang tahun 2014.
38. PR-1323-L64513
Tuan Lim Lip Eng [Segambut] minta **MENTERI PENGANGKUTAN** menyatakan senarai nama peserta, jumlah bilangan, destinasi, kos dan tujuan bagi setiap lawatan bagi para Menteri, Timbalan Menteri-Menteri dan pegawai-pegawai tertinggi penjawat awam yang diberi lawatan rasmi ke luar negara berhubung dengan kes insiden pesawat Malaysia Airlines MH370 dan MH17 masing-masing.
39. PR-1323-L64630
Puan Hajah Normala binti Abdul Samad [Pasir Gudang] minta **MENTERI KEWANGAN** menyatakan jumlah lot bumiputera dan lot antarabangsa yang telah dilelong oleh pihak bank dan tindakan yang diambil oleh pihak Kementerian berkenaan status lot bumiputera yang dilelong dan dibeli oleh bukan bumiputera.
40. PR-1323-L65236
Dr. Hajah Siti Mariah binti Mahmud [Kota Raja] minta **MENTERI KEWANGAN** menyatakan perancangan terperinci menyelamatkan MAS daripada kebangkrapan.
41. PR-1323-L63431
Datuk Juslie bin Ajirol [Libaran] minta **MENTERI KEWANGAN** menyatakan usaha-usaha yang telah dirancang secara strategik susulan pembukaan pejabat Khazanah Nasional Bhd di Istanbul, Turki pada November 2013 lalu.
42. PR-1323-L65180
Tuan Ahmad Baihaki bin Atiqullah [Kubang Kerian] minta **PERDANA MENTERI** menyatakan berapakah peruntukan pembangunan negeri Kelantan yang telah disalurkan oleh Kerajaan melalui Jabatan Pembangunan Persekutuan Kelantan (JPPK) bagi tahun 2013 dan bagaimanakah pelaksanaannya.
43. PR-1323-L64599
Tuan Wong Chen [Kelana Jaya] minta **MENTERI PERTAHANAN** menyatakan lokasi baru pangkalan-pangkalan Tentera Udara Di Raja Malaysia (TUDM) selepas penjualan tanah pangkalan-pangkalan TUDM di Sungai Besi, Butterworth dan Kinrara. Jelaskan implikasi terhadap strategi pertahanan negara akibat penempatan semula ini.

44. PR-1323-L64062
Dato' Johari bin Abdul [Sungai Petani] minta **MENTERI PENDIDIKAN** menyatakan :-
- (a) adakah Kementerian tidak ada pelan alternatif selain daripada mengadakan peperiksaan semula bila kebocoran kertas soalan peperiksaan terjadi kerana hampir setiap tahun Kementerian menghadapi masalah kebocoran soalan peperiksaan dan ini telah menyusahkan guru-guru dan murid-murid; dan
 - (b) apakah perancangan Kementerian agar masalah ini tidak terus berulang.
45. PR-1323-L65205
Tuan Mohamed Hanipa bin Maidin [Sepang] minta **PERDANA MENTERI** menyatakan :-
- (a) apakah pendirian sebenar Kerajaan terhadap Akta Hasutan, adakah akan dihapuskan seperti dijanjikan atau tidak; dan
 - (b) berapakah jumlah kes-kes pendakwaan di bawah Akta Hasutan selepas Perdana Menteri mengisytiharkan akan memansuhkan akta tersebut dan berapakah kos yang telah ditanggung oleh Kerajaan sehingga kini bagi kos kes-kes pendakwaan tersebut.
46. PR-1323-L64324
Tuan Haji Khalid bin Abdul Samad [Shah Alam] minta **MENTERI KEWANGAN** menyatakan respon kerajaan terhadap kritikan Tun Dr. Mahathir berhubung 1MDB.
47. PR-1323-L64989
Dato' Hasbullah bin Osman [Gerik] minta **MENTERI PENGANGKUTAN** menyatakan :-
- (a) selepas kejadian malang menimpa MH17, adakah laluan penerbangan di kawasan pergolakan Rusia-Ukraine masih digunakan oleh pesawat perdagangan Malaysia serta dunia; dan
 - (b) adakah laporan yang diperolihi hasil daripada penemuan kotak hitam MH17 akan dibentang pada rakyat Malaysia dan nyatakan sepenuhnya isi kandungan laporan kotak hitam tersebut.
48. PR-1323-L65359
Tan Sri Dato Sri William Mawan Ikom [Saratok] minta **MENTERI PENDIDIKAN** menyatakan :-
- (a) apakah mekanisme keselamatan yang telah dirancang oleh Kementerian untuk mengelakkan insiden penyalahgunaan kuasa dan sabotaj dalam kalangan penjawat awam; dan

- (b) adakah Kementerian akan mengkaji Tatacara Pengendalian Piawai (SOP) penyediaan kertas peperiksaan untuk memastikan insiden kebocoran kertas soalan tidak berulang.

49. PR-1323-L65374

Datuk Ikmal Hisham bin Abdul Aziz [Tanah Merah] minta **MENTERI PENDIDIKAN** menyatakan kejadian kertas soalan Ujian Pencapaian Sekolah Rendah (UPSR) bocor baru-baru ini telah menjejaskan integriti Kementerian, oleh itu apakah langkah yang dilakukan oleh Kementerian bagi memulihkan keyakinan rakyat kepada Lembaga Peperiksaan Malaysia dan Kementerian.

PADA PERMULAAN URUSAN MESYUARAT
MENGEMUKAKAN RANG UNDANG-UNDANG KERAJAAN
UNTUK BACAAN KALI YANG PERTAMA

1. **Menteri Sains, Teknologi dan Inovasi**

Rang Undang-undang Teknologis dan Juruteknik 2014

ATURAN URUSAN MESYUARAT DAN USUL-USUL

- | | | | |
|----|----------------|--|-------------------------------|
| 1. | (D.R 31/2014) | Rang Undang-undang Malaysian Airline System Berhad (Pentadbiran) 2014 | Bacaan Kali Yang Kedua |
| | | [Menteri di Jabatan Perdana Menteri] | |
| 2. | (D.R 28/2014) | Rang Undang-undang Kawalan Bekalan (Pindaan) 2014 | “ |
| | | [Menteri Perdagangan Dalam Negeri, Koperasi dan Kepenggunaan] | |
| 3. | (D.R. 20/2014) | Rang Undang-undang Pendaftaran Jurutera (Pindaan) 2014 | “ |
| | | [Menteri Kerja Raya] | |
| 4. | (D.R. 21/2014) | Rang Undang-undang Arkitek (Pindaan) 2014 | “ |
| | | [Menteri Kerja Raya] | |
| 5. | (D.R. 22/2014) | Rang Undang-undang Juruukur Bahan (Pindaan) 2014 | “ |
| | | [Menteri Kerja Raya] | |
| 6. | (D.R. 23/2014) | Rang Undang-undang Ahli Parlimen (Saraan) (Pindaan) 2014 | “ |
| | | [Menteri di Jabatan Perdana Menteri] | |
| 7. | (D.R. 24/2014) | Rang Undang-undang Dadah Berbahaya (Pindaan) (No.2) 2014 | “ |
| | | [Menteri Kesihatan] | |
| 8. | (D.R. 29/2014) | Rang Undang-undang Pendidikan (Pindaan) 2014 | “ |
| | | [Menteri Pendidikan] | |

9. (D.R. 26/2014) Rang Undang-undang Perhubungan Perusahaan (Pindaan) 2014 **Bacaan Kali Yang Kedua**

[Menteri Sumber Manusia]

10. (D.R. 11/2014) Rang Undang-undang Tatacara Kewangan (Pindaan) 2014 “

[Menteri Kewangan]

11. (D.R. 13/2014) Rang Undang-undang Kumpulan Wang Amanah Negara (Pindaan) 2014 “

[Menteri Kewangan]

12. (D.R. 12/2014) Rang Undang-undang Wang Tak Dituntut (Pindaan) 2014 “

[Menteri Kewangan]

13. (D.R. 14/2014) Rang Undang-undang Kumpulan Wang Pinjaman Perumahan (Pindaan) 2014 “

[Menteri Kewangan]

14. **Menteri Kewangan** akan mencadangkan:-

“Bahawa Dewan ini, mengikut peruntukan subperenggan 8(3)(a)(iv) Akta Tatacara Kewangan 1957 [Akta 61], mengambil ketetapan bersetuju supaya Kerajaan Malaysia melalui Menteri Kewangan (Diperbadankan), membuat pelaburan dengan menukarkan pinjaman Kerajaan Malaysia sebanyak RM400 juta kepada Malaysia Debt Ventures Berhad (MDV), sebuah syarikat yang dimiliki oleh Menteri Kewangan (Diperbadankan) kepada ekuiti bersamaan dengan Empat Ratus Juta (400,000,000) unit saham biasa pada nilai RM1 bagi satu unit saham”.

15. **Menteri Kewangan** akan mencadangkan:-

“Bahawa Dewan ini, mengikut peruntukan di bawah Seksyen 10(4)(a) Akta Tatacara Kewangan 1957, membuat ketetapan bersetuju supaya Jadual Kedua Akta tersebut dipinda dengan menambah kepadanya butiran baru seperti berikut:-

“Kumpulan Wang Amanah Tabung Konservasi Sumber Asli Nasional”

16. **Menteri Kewangan** akan mencadangkan:-

"Bahawa Dewan ini, mengikut peruntukan di bawah Seksyen 10(4)(a) Akta Tatacara Kewangan 1957, membuat ketetapan bersetuju supaya Jadual Kedua Akta tersebut dipinda dengan menambah kepadanya butiran baru seperti berikut:-

"Kumpulan Wang Amanah Fi Jaminan"

17. **Menteri Kewangan** akan mencadangkan:-

"Bahawa Dewan ini, mengikut peruntukan di bawah perenggan 10(4)(a) Akta Tatacara Kewangan 1957, membuat ketetapan bersetuju supaya menambah ke dalam jadual Kedua Akta tersebut kumpulan wang yang dikenali sebagai –

‘ Kumpulan Wang bagi Pembayaran Balik Cukai Barang dan Perkhidmatan’ “

18. **Menteri Kewangan** akan mencadangkan:-

"Bahawa Dewan ini, mengikut peruntukan subperenggan 8(3)(a)(iv) Akta Tatacara Kewangan 1957 [Akta 61], membuat ketetapan bersetuju supaya Kerajaan Malaysia melalui Menteri Kewangan (Diperbadankan) membuat pelaburan dengan menukar baki pinjaman Kerajaan Malaysia sebanyak RM474,815,882 kepada Prasarana Malaysia Berhad, sebuah syarikat dimiliki sepenuhnya oleh Menteri Kewangan (Diperbadankan), kepada ekuiti dalam Prasarana Malaysia Berhad bersamaan dengan Empat Ratus Tujuh Puluh Empat Juta Lapan Ratus Lima Belas Ribu Lapan Ratus Lapan Puluh Dua (474,815,882) unit saham biasa pada nilai RM1 bagi satu unit saham."

19. **Menteri Kewangan** akan mencadangkan:-

"Bahawa Majlis ini mengambil ketetapan iaitu menurut kuasa yang diletakkan padanya oleh Subseksyen 20(2), Subseksyen 10(3), Subseksyen 160(2), Subseksyen 56(2), Subseksyen 17(5) dan 18(3) Akta Cukai Barang dan Perkhidmatan supaya Perintah Cukai Barang dan Perkhidmatan yang dibentangkan di hadapan Majlis ini sebagai kertas statut bil.ST.71, ST.72, ST.73, ST.86 , ST.87, ST.88 dan ST.152 tahun 2014 disahkan".

20. PR-1323-U63530

Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa, ketiadaan "Standby Generator" di Klinik Kesihatan Putatan telah menimbulkan banyak kerumitan kepada pengguna dan pengendali Klinik Kesihatan Putatan. Dan mengambil maklum juga, bahawa dengan kekerapan gangguan bekalan elektrik yang dihadapi oleh Negeri sabah pada ketika ini, ada kalanya klinik tersebut tidak dapat berfungsi sehingga beberapa jam sehari dan dikhuatiri akan mendatangkan kemudaratan dalam kes kecemasan.

Dan mengambil maklum juga bahawa, para pengguna Klinik Kesihatan Putatan bukan sahaja yang datang daripada daerah Putatan tetapi juga dari kawasan berdekatan seperti Tanjung Aru, Kepayan, Petagas dan Kinarut. Dan mengambil maklum juga bahawa, selain keadaan gelap gelita dan kelam kabut ketika berlaku gangguan bekalan elektrik, ianya juga membuatkan rakyat mula merungut tentang mutu perkhidmatan kesihatan yang disediakan oleh pihak Kementerian. Maka, bagi mengatasi masalah, Dewan ini hendaklah mengambil ketetapan bahawa, pihak Kementerian hendaklah memasang "Standby Generator Set" bagi Klinik Kesihatan Putatan."

[Kementerian Kesihatan]

21. PR-1323-U63531

Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa, gangguan bekalan elektrik di negeri Sabah kian menjadi-jadi di mana dikatakan daripada tahap teruk kepada tahap parah". Dan mengambil maklum juga, bahawa setiap kali gangguan bekalan elektrik berlaku, terdapat banyak rungutan dari kalangan rakyat mengenai dengan kerugian daripada segi produktiviti, hasil dan juga kerosakan harta benda. Dan mengambil maklum juga bahawa setiap gangguan bekalan elektrik berlaku, wakil rakyat akan diburu dan dipersalahkan.

Dan mengambil maklum juga bahawa, kenyataan demi kenyataan oleh pihak berwajib bahawa gangguan bekalan elektrik di negeri Sabah akan dapat diatasi tetapi sehingga kini gangguan bekalan elektrik tetap berlaku malah semakin kerap. Maka, demi untuk kesejahteraan rakyat, Dewan ini hendaklah mengambil ketetapan bahawa, pihak Kementerian mengambil satu tindakan yang drastik jangka pendek dan jangka panjang bagi mengatasi masalah gangguan bekalan elektrik di negeri Sabah. "

[Kementerian Tenaga, Teknologi Hijau dan Air]

22. PR-1323-U63540

Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa, sejak akhir-akhir ini, terdapat banyak seruan untuk membawa negeri Sabah dan Sarawak keluar daripada Persekutuan Malaysia. Dan mengambil maklum juga, bahawa seruan ini adalah kononya berikutan dengan ketidakpuasan hati segelintir rakyat di kedua-dua negeri ini mengenai dengan isu-isu seperti royalti minyak, tarikh kemerdekaan, pengagihan dana pembangunan serta status ekonomi Bumiputera Negeri Sabah dan Sarawak.

Dan mengambil maklum juga bahawa, dalam kes negeri Sabah, Isu Pembentangan Laporan Suruhanjaya Siasatan Diraja mengenai pendatang asing tanpa izin yang dikatakan dilengah-lengahkan serta kebanjiran pendatang asing tanpa izin ke negeri Sabah yang dikatakan telah menggugat keselamatan negara, telah memburukkan lagi keadaan. Dan juga mengambil maklum bahawa, sentimen Anti-Persekutuan dan sentimen Anti Sabah dan Sarawak yang dimainkan oleh segelintir pihak kini kian merebak dengan serius dan, ini kalau tidak ditangani dengan kadar segera akan menyebabkan kacau bilau dan menggugat keharmonian negara. Serta mengambil maklum juga bahawa, terdapat juga kenyataan-kenyataan pemimpin Kerajaan, NGO dan orang perseorangan yang dianggap kurang sensitif kepada perasaan penduduk negeri Sabah dan Sarawak. Maka, bagi menangani masalah ini, Dewan ini hendaklah mengambil ketetapan bahawa, Kerajaan hendaklah mengambil tindakan tegas kepada mereka yang bertanggungjawab, sama ada dari pihak awam, NGO, pemimpin Kerajaan dan pembangkang agar sentimen Anti-Persekutuan serta anti Sabah dan Sarawak dapat dibendung. Kerajaan juga hendaklah bertindak untuk menutup mana-mana laman sosial yang telah dibuktikan terlibat dalam gejala ini."

[Kementerian Dalam Negeri]

23. PR-1323-U63554

Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa, kemalangan yang melibatkan maut terutama sekali kenderaan awam kian meningkat kerana disebabkan oleh pemanduan laju. Dan mengambil maklum juga, bahawa kadar kemalangan ini meningkat terutama sekali dalam musim perayaan di mana para pengusaha dan pemandu kenderaan pengangkutan awam cuba memaksimumkan keuntungan dengan tanpa menghiraukan keselamatan penumpang. Dan mengambil maklum juga bahawa, pihak berkuasa seperti Suruhanjaya Pengangkutan Awam Darat, Jabatan Pengangkutan Jalan dan Polis Diraja Malaysia menghadapi kekangan kekurangan tenaga anggota serta jarak untuk menguatkuasakan had laju.

Dan mengambil maklum juga bahawa, kuasa pengguna (penumpang) kenderaan pengangkutan awam boleh membantu pihak berkuasa untuk menentukan had laju kenderaan yang mereka tumpang dengan menegur pemandu tersebut apabila mereka melepasi had laju yang dibenarkan. Dan mengambil maklum juga bahawa pemasangan meter kelajuan kedua serta alat penggera di dalam kenderaan pengangkutan awam akan membolehkan para penumpang menyedari bahawa kenderaan yang mereka naiki telah melepasi had laju yang dibenarkan dan sekali gus menegur si pemandu tadi dan ini dapat mengelakkan kemalangan daripada berlaku. Maka, bagi menangani masalah kemalangan yang disebabkan oleh pemanduan laju, dewan ini hendaklah mengambil ketetapan bahawa, semua kenderaan pengangkutan awam hendaklah dipasang dengan meter kelajuan kedua dan alat penggera. "

[Perdana Menteri]

24. PR-1323-U63967

Tuan M. Kulasegaran [Ipoh Barat] akan mencadangkan:-

"Bahawa Dewan ini mengambil maklum bahawa Kerajaan telah gagal untuk perhatin terhadap situasi pemerdagangan manusia dan mengambil tindakan dalam kes-kes pemerdagangan manusia sehingga Malaysia telah turun gred sehingga ke Tahap 3 (Tier 3) seperti yang dilaporkan oleh Kerajaan Amerika Syarikat dalam Laporan Pemerdagangan Orang 2014 (Trafficking in Persons Report 2014). Dalam keadaan ini Dewan ini mengarah Perdana Menteri mengambil tindakan untuk mengatasi masalah ini dengan segera."

[Kementerian Dalam Negeri]

25. PR-1323-U64509

Dr. Tan Seng Giaw [Kepong] akan mencadangkan:-

"Bahawa Dewan ini membahaskan dasar dan langkah untuk mencegah ekstremisme di Malaysia. "

[Kementerian Dalam Negeri]

26. PR-1323-U64511

Dr. Tan Seng Giaw [Kepong] akan mencadangkan:-

"Bahawa Dewan ini membincangkan dasar perubahan iklim."

[Kementerian Sumber Asli dan Alam Sekitar]

27. PR-1323-U65224

Tuan Manivanan a/l Gowindasamy [Kapar] akan mencadangkan:-

"Bahawa Dewan ini mempertimbangkan cadangan untuk kes kematian di bawah tahanan Polis Di Raja Malaysia, keluarga si mati diberi kebenaran sepenuhnya untuk memperoleh Pakar Perubatan Forensik sendiri bagi mewakili pihak keluarga si mati semasa bedah siasat dijalankan"

[Kementerian Dalam Negeri]

28. PR-1323-U65226

Tuan Manivanan a/l Gowindasamy [Kapar] akan mencadangkan:-

"Bahawa Dewan ini mendesak agar pendidikan agama diperkenalkan di sekolah kepada pelajar bukan Islam sebagai langkah untuk menerapkan nilai-nilai murni dan keagamaan di kalangan pelajar bukan Islam bagi menangani gejala sosial yang kian meningkat dan berleluasa akibat daripada kegagalan sistem pendidikan di Malaysia."

[Kementerian Pendidikan]

**RISALAT-RISALAT YANG DIBAWA KE DALAM MESYUARAT
(DEWAN RAKYAT)**

<u>TAHUN 2014</u>	<u>RISALAT/DOKUMEN</u>	<u>TARIKH DIBENTANGKAN</u>
ST.100	Laporan Tahunan Dan Penyata Kewangan Lembaga Minyak Sawit Malaysia Bagi Tahun 2013	27 November 2014
ST.119	Laporan Tahunan Dan Penyata Kewangan Lembaga Pembangunan Langkawi (LADA) Bagi Tahun 2013	27 November 2014
ST.137	Laporan Tahunan dan Penyata Kewangan Perbadanan Kemajuan Kraftangan Malaysia Bagi Tahun 2013	27 November 2014
ST.139	Laporan Tahunan dan Penyata Kewangan Lembaga Kemajuan Ikan Malaysia (LKIM) Bagi Tahun 2013	27 November 2014
ST.140	Laporan Tahunan dan Penyata Kewangan Lembaga Perindustrian Nanas Malaysia (LPNM) Bagi Tahun 2013	27 November 2014
ST.141	Laporan Tahunan dan Penyata Kewangan Lembaga Pemasaran Pertanian Persekutuan (FAMA) Bagi Tahun 2013	27 November 2014
ST.142	Laporan Tahunan dan Penyata Kewangan Lembaga Pertubuhan Peladang (LPP) Bagi Tahun 2013	27 November 2014
ST.144	Laporan Tahunan dan Penyata Kewangan Lembaga Kemajuan Pertanian Kemubu (KADA) Bagi Tahun 2013	27 November 2014
ST.162	Laporan Tahunan dan Penyata Kewangan Lembaga Kenaf dan Tembakau Negara Bagi Tahun 2013	27 November 2014
ST.163	Laporan Tahunan dan Penyata Kewangan Lembaga Perindustrian Kayu Malaysia Bagi Tahun 2013	27 November 2014
ST.167	Laporan Tahunan Dan Penyata Kewangan Pihak Berkuasa Pembangunan Tenaga Lestari Bagi Tahun 2013	27 November 2014

ST.169	Laporan Tahunan dan Penyata Kewangan Universiti Malaysia (UM) Bagi Tahun 2013	27 November 2014
ST.170	Laporan Tahunan dan Penyata Kewangan Universiti Teknologi Malaysia (UTM) Bagi Tahun 2013	27 November 2014
ST.172	Laporan Tahunan dan Penyata Kewangan Universiti Pendidikan Sultan Idris (UPSI) Bagi Tahun 2013	27 November 2014
ST.173	Laporan Tahunan dan Penyata Kewangan Universiti Malaysia Terengganu (UMT) Bagi Tahun 2013	27 November 2014
ST.174	Laporan Tahunan dan Penyata Kewangan Universiti Tun Hussein Onn Malaysia (UTHM) Bagi Tahun 2013	27 November 2014
ST.175	Laporan Tahunan dan Penyata Kewangan Perbadanan Tabung Pendidikan Tinggi Nasional (PTPTN) Bagi Tahun 2013	27 November 2014
ST.179	Laporan Tahunan dan Penyata Kewangan Institut Penyelidikan Keselamatan Jalan Raya Malaysia Bagi Tahun 2013	27 November 2014
ST.180	Laporan Tahunan dan Penyata Kewangan Perbadanan Aset Keretapi Bagi Tahun 2013	27 November 2014